



Broj: UP – I – 15 – 13 – 6/09

Datum: 26.06.2009.godine

Komisija za papire od vrijednosti Brčko distrikta BiH, rješavajući po zahtjevu emitenta: „DUKA & BOSNA“ d.d Brčko na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04 i 42/04) u skladu sa odredbama Pravilnika o uvjetima i postupku emisije papira od vrijednosti ("Službeni glasnik Brčko distrikta BiH", broj: 20/04) i odredbama Uputstva o uslovima emisije papira od vrijednosti uz skraćeni prospekt ("Službeni glasnik Brčko distrikta BiH", broj: 26/06), na svojoj 90. sjednici održanoj dana 26.06.2009. godine, **donijela je:**

Rješenje

o odobrenju emisije dionica zatvorenom ponudom emitentu «DUKA & BOSNA» d.d. Brčko

1. Utvrđuje se da je uspjela II (druga) emisija dionica zatvorenom ponudom ulozima u stvarima i novcu emitenta „DUKA & BOSNA“ d.d. Brčko po osnovu emisije dionica zatvorenom ponudom.
2. Emisijom dionica zatvorenom ponudom ulozima u stvarima izvršena je II (druga) emisija dionica, te je emitent «DUKA & BOSNA» Brčko emitovao i izvršio prodaju novih 313.666 običnih dionica, nominalne vrijednosti 10,00 KM po jednoj dionici.
3. Konstatuje se da «DUKA & BOSNA» Brčko, povećava osnovni kapital sa 6.030.860,00 KM na 9.167.520,00 KM, odnosno vrši se povećanje broja dionica sa 603.086 na 916.752 običnih dionica, nominalne vrijednosti 10,00 KM po jednoj dionici.

Obrazloženje

Komisija za papire od vrijednosti Brčko distrikta BiH je na svojoj 82. sjednici održanoj dana 28.11.2008. godine donijela Rješenje o odobrenju emisije dionica zatvorenom ponudom emitentu «DUKA & BOSNA» d.d. Brčko broj: 15 – 13 – 10/08.

Punomoćnik podnosioca zahtjeva advokat Milenko Mihajlović je dostavio dana 27.04.2009.godine Izvještaj o rezultatima emisije novih dionica društva „DUKA & BOSNA“ d.d. Brčko putem zatvorene ponude banke depozitara Hypo Alpe adria bank br.14-01/09-445 od 27.02.2009.godine.

Nakon izvršenog uvida u navedeni Izvještaj o rezultatima emisije novih dionica društva „DUKA & BOSNA“ d.d. Brčko putem zatvorene ponude banke depozitara Hypo Alpe adria bank može se konstatovati da isti sadrži sve potrebne elemente utvđene u Zakonu o papirima od vrijednosti Brčko distrikta BiH, Pravilniku o uslovima i postupku emisije papira od vrijednosti i Uputstvu o uslovima emisije papira od vrijednosti uz skraćeni prospekt.

Iz dostavljenih akata, dokumenata i isprava Komisija je utvrdila da je emitent postupio u skladu s članovima 9,10, 11, 12, 13. i 14. Zakona o papirima od vrijednosti i odredbama Uputstva o uslovima emisije papira od vrijednosti uz skraćeni prospekt čime su se stekli uslovi da Komisija odobri emisiju novih dionica emitenta, kako je navedeno u dispozitivu rješenja.

Pouka o pravnom lijeku:

Protiv ovog rješenja nije dozvoljena žalba, ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

1. "DUKA & BOSNA" d.d. Brčko,
2. Evidenciji,
3. Arhivi

Predsjednik
Komisije za papire od vrijednosti
Brčko distrikta BiH

Mirsad Bešlagić, dipl.ecc